

առաջինն 500 քսակ , և երկրորդն 750 , այժմ գինչ ունիք առնել աստ : Եւ նոքա ասեն , ոչ այդպէս , զի 'ի կատարիլ գործոյն , յորժամ հանդերձեալ էր Ոստիկանն դիմել 'ի կողմանս յայտոսիկ , աղաչեցին զնա ծերունիքն փոյթ տանել կատարման գործոյն խոստացեալ հաճել ըստ կարեաց զմիտս Կուսակալին , նոյնպէս եւ յերկրորդ նուագի 'ի դիմել նորա յերուսաղէմ սաստիկ հրամանաւ , և 'ի լինել բանից 'ի ժողովի ծերունեաց , թէ գինչ ունիք տալ , եւ նոքա ամենեքեան ետուն պատասխանի թէ՛ ոչ երբէք կասիմք յետս 'ի ծառայութենէ , այլ միայն կատարեսցի գործն և վերջացի խռովութիւնն : Եւ 'ի վերջոյ սահմանեցաւ յետ լրանալոյ գործոյն տալ Կուսակալին 400 քսակ , և զոր ինչ յառաջագոյն վասն ձեր խոստացեալ էին : Իսկ 'ի թախանձել Մէհէմէտ Պէյին հատուցանել 500 քսակ , ծերունիք չառին յանձն հայեցեալ յաղքատութիւնս իւրեանց , և սակարկութիւնն մնաց 'ի մէջ 5-400 քսակաց : Սակայն այժմ աղաչեմք 'ի կողմանէ ծերունեաց առանց 'ի մէջ բերելոյ զանուն դրամոց , հրամայել ըստ մտաց հրովարտակին կատարել զգործն , յայնժամ ծերունիք եւս 'ի հարկէ ճանաչեն զպարտաւորութիւն իւրեանց , և խոստացեալ գումարն այն՝ լիցի հատուցանել 'ի պայմանեալ ժամանակի փոխանակագրով : Եւ նորա կոչեալ զՍողոմոն հըրէյ սեղանաւոր Բդեշխին՝ հեղնելով և ծիծաղելով պատմեաց նմա զբանս վարդապետաց , և նորա կեղծաւորեալ ասէ՛ վանօրայք պատրաստ են միշտ ծառայել Տէրութեան՝ Կուսակալին և ձեզ : այս գործ բազում անգամ խօսակցելոյ պէտս ունի , եւ ոչ միանգամ եւ երկիցս : Տար ուրեմն ասէ զսոսա համբուրել զքղանցս տեսուն խմոյ , և սպա խօսիմք : Եւ եմոյծ զնոսա յատեան Կուսակալին և մատուցին զգիր Պատրիարքին , եւ նորա ընթերցեալ զայն , և հարց զգործոյն , և նոքա պատմեցին համառօտիւ : Ընդէ՞ր նըստեալ է ասէ Մուվէլլայն յերուսաղէմ , և նոքա ետուն պատասխանի , ներքին դիտաւորութիւն նորին մեզ անդիտելի է իսկ զոր ինչ լուեալ է մեր 'ի բերանոյ նորին , այս է թէ 'ի ճանապարհորդել նորին՝ Տէրութիւնն պատուիրեալ է նմա , յետ լրանալոյ գործոյն Իլամ առնել եւ սպասել հրամանի , և այժմ գործն մնաց անկատար , նմին իրի ըս-